



Te boutoka mairoun te tikiim ni kamakuri ae te 'PALM' nakoia taan makuri i Aotiteria

Iai aomata ao botaki aika a kona ni boutokaia taan makuri n te tikiim ni kamakuri ae te 'PALM' aika a makuri i Aotiteria. E kabarabarakī n te beeba aio taekaia taan itoman akanne ao n anga naba baninin rongorongoia. Ngkana te tia makuri ngke n te tikiim aio, taiaoka karini namban tarebon aika a kaotaki i nanon n am tarebon.

AM TIA KAMAKURI



Am tia kamakuri bon ngaia am moan reitaki n am tai ni mena i Aotiteria. Bon tabeia ba a na boutokaiko n am tai ni mena ikai. A kona ni buokiko ni kaekai titiraki iaon itera nako aika:

- beeban am bakabwai ao bairean am makuri
- te kanganga ma temanna n te tabo ni makuri
- te intuarenti ibukin te marurung
- te bao ni mamanananga
- te kanganga ae e uarereke iaon te kuakua ke te marurung
- kananga ke bobuaka aika a uarereke iaon taekan te maeka ma raao ni maeka
- am visa
- te okirikaaki nakon oin abam

E riai n tia n reke iroum namban ana tarebon am tia kamakuri ke am manatia ngke ke roko iaon Aotiteria. Ngkana akea iroum, titirakina te kaira am tiim ke am tia kamakuri ba tera te kabanea n angaraoi i bukin reitakim ma ngaiia.

ANA RAIN N TIEWETI NI BOUTOKA TE 'PALM'



Ngkana e aki kona ni buokiko am tia kamakuri, tarebonia ana rain n tiweti ni boutoka te 'PALM' iaon (1800 51 51 31) imarenan 7 am – 7 pm n tain Aotiteria n

aono ni mainiku ke te AEST, ke n emeeri nakon: (support@pacificlabourfacility.com.au). Ngkana e korakora am kanganga, ko kona n tarebonia ana rain ni boutoka te 'PALM' 24 te awa, 7 te bong n te wiki iaon (1800 51 51 31).

AOBITIA N REITAKI



A kona aobitia n reitaki ao ana aomata aomatan te tautaeka n aia tautaeka nako aban te Betebeke ao n Timor-Reste n anga taeka n ibuobuoki ao n anga te boutoka iaon taetae n

abaia. Tiaki ni kabana aaba aika iai aia CLO ma iai te kona n reitaki ma ana uebsaaite te 'PALM' ae: (<https://www.palmscheme.gov.au/contact>). Ngkana akea am CLO, taiaoka n reitaki ma ana Ai Komition Aotiteria i abam.

TE AOMBUTIMAN IBUKIN TE MAKURI AE E RIAI



Te aombutiman ibukin te makuri ae e riai e kona ni buokiko ngkana iai am titiraki aika a onoti iaon taekan te makuri, te boo ao kaniwanga. Tarebonia te aombutiman iaon (13 13 94). Ngkana ko kainnanao ana buoka te tia raitaeka. Tarebonia (13 14 50).

TIEWETI NI KATAWE



Ibukin aoraki aika a kakaiaki, kabuanibwai, ke buure ni kakeru, waekoa tarebonia (000 ae akea boona, 24 te awa, 7 te bong n te wiki). Ngkana ko tarebonia te namaba aio, ane ko na titirakinaki

ngkana ko kainnanao te bureitiman, te tiweti i bukin tea i ke te amburanti.

Taiaoka waekoa kaongoa am tia kamakuri ngkana ko rotaki ngke ke te tia makuri riki temanna n te aoraki ke e karinaki n te onaoraki ke e irekereke ma te makuri ni kaikoaki ke te kakiriwe n te mwenga.